

卷之二

卷之九百七十

重錄總校官侍所 高洪

學士 胡士榮

分校官侍讀 呂文

書寫儒士 趙鳳書

園點監生 徐光祚

歐陽明

永樂大典卷之八千九百七十八

二十九

周

後周后妃

周書列傳 書紀有虞之德載釐降二女詩述文王之

有衆者之所慎也自三代迄于魏晉興衰之數得失之迹備乎傳記故其詳可得聞焉若甥納以德防閑以禮大義正於宮闈王化行於邦國則伸儀式固而鼎命惟永矣至於邪僻既進法度莫修治容迷其主心私謁蠹其朝政則風化凌替而宗社不守矣夫然者豈非皇王之龜鑑與周氏率由姬制內職有序太祖創基修祚席以儉約高祖嗣曆節情欲矯枉宮闈有貴魚之美成王無私溺之尤可謂得人君體也宣皇外行其志內逞其欲以溪疑難滿揀擇無厭思之所加莫限廝皂榮之所及無隔險誠於是升蘭殿而正位踐椒庭而齊體者非一人焉階房帷而抱青紫承恩倖而擁王帟者非一族焉雖辛癸之荒淫趙李之傾惑曾未足比其髣髴也民厭苛政弊事寔多太祖之祚忽諸特由於此故叙其事以爲皇后傳云

文帝元皇后魏孝武帝之妹初封平原公主通開府張歡歡性貪殘遇后無禮又嘗殺后侍婢后怒訴之於帝帝乃執歡殺之改封后為馮翊公主以配太祖主孝閔帝大統七年薨魏恭帝三年十二月合葬成陵孝閔帝踐阼追尊為王后武成初又追尊為皇后

文宣叱奴皇后代人也太祖為丞相納后為嬪主高祖天和三年六月尊為太皇皇后建德三年三月癸酉崩四月丁巳葬永固陵

孝閔帝元皇后名胡摩魏文帝第五女初封晉安公主帝之為略陽公也尚焉及踐祚立為王后帝被廢后出俗為尼建德初高祖誅晉國公護上帝尊號為孝閔帝以后為孝閔皇后居崇義宮隋氏革命后出居里第大業十二年殂

明帝獨孤皇后太保衛國公信之長女帝之在藩也納為夫人二年正月立為王后四月崩葬昭陵武成初追崇為皇后世宗崩與后合葬

武帝阿史那皇后突厥木杆可汗侯斤之女突厥滅茹茹之後盡有塞表之地控弦數十萬志陵中夏太祖方與齊人爭衡結以為援侯斤初欲以女配帝既而悔之高祖即位前後累遣使結乃許歸后於我保定五年二月詔陳國公純許國公宇文貴神武公賁毅南陽公揚存等奉備皇后文

物及行殿并六宮以下百二十人至俟斤才帳所迎后。俟斤又許齊人以
婚。將有異志。純等在彼累載不得反命。雖諭之以信義。俟斤不從。會大雷
風起。飄壞其穹廬等旬日不止。俟斤大懼。以為天譴。乃備禮送后及純等。
設行殿列羽儀。奉之以歸。天和三年三月后至。高祖行親迎之禮。后有姿
貌。善容止。高祖深敬焉。宣帝即位。尊為皇太后。大象元年二月改為天元
皇太后。二年二月又尊為天元上皇太后。册曰天元皇帝臣謹奉璽綬册。
謹上天元皇太后尊號曰天元上皇太后。伏惟窮神盡智。含弘載物。道洽
萬邦。儀刑四海。聖慈訓誘。恩深明德。雖册徽號。未極尊嚴。是用尊奉鴻名。
光禱常禮。俾誠敬有展。歡慰在茲。福祉無疆。億兆斯賴。宣帝崩。靜帝尊為
太皇太后。隋開皇二年。年三十二。隋文帝詔有司備禮册附葬於孝陵。
武帝李皇后名娥姿。楚人也。于謹平江陵。后家被籍沒。至長安。太祖以后
賜高祖。後稍得親幸。大象元年二月改為天元帝太后。七月又尊為天皇
太后。二年尊為天元聖皇太后。册曰天元皇帝臣謹奉璽綬册。謹上天皇
太后尊號曰天元聖皇太后。伏惟月精効祉。坤靈表既。瑞肇丹陵。慶流華
渚。雖率由今典。夙奉徽號。而思盡敬。未極尊名。是用思弘稱育。上昭聖德。
敢竭誠敬。永綏福履。願揚慈訓。貽厥孫謀。宣帝崩。靜帝尊為太帝太后。隋

開皇元年三月，出俗為尼，改名常悲。八年，殂。年五十三。居禮葬于京城南。宣帝楊皇后名麗華，隋文帝長女。帝在東宮，高祖為帝納后為皇太子妃。宣政元年閏六月，立為皇后。帝後自稱天元皇帝，號后為天元皇后。尋又立天皇后及左右皇后，與后為四皇后焉。二年，詔曰：帝降二女，后德所以儷君，天列四星，妃象於馬垂耀。朕取法上玄，稽諸今典，爰命四后，內正六宮。庶弘贊柔德，廣修泰盛。比殊禮降，稱謂曷宜。其因天之象，增錫嘉名。於是后與三皇后並加太馬。帝遣使持節冊后為天元太皇后。曰：咨爾含章載德，體順居貞，肅恭享祀。儀刑邦國，是用嘉茲顯號。式暢徽音，爾其敬踐厥猷。實答靈命，對揚休烈。可不慎歟。尋又立為天中太皇后。與后為五皇后。后性柔婉，不妬忌。四皇后及嬪御等咸愛而仰之。帝後昏暴滋甚，喜怒乖度。嘗譴后欲加之罪，后進止詳閑，辭色不撓。帝大怒，遂賜后死。逼令引訣。后母獨孤氏聞之，詣閤陳謝，叩頭流血。然後得免。帝崩，靜帝尊后為皇太后，居弘聖宮。初，宣帝不豫，詔后父入禁中侍疾。及大漸，劉昉、鄭譯等因璽詔以后父受遺輔政。后初雖不預謀，然以嗣主幼冲，恐權在他族，不利於已。聞昉、譯已行此詔，心甚悅之。後知其父有異圖，意頗不平。形於言色。及行禪代，憤惋逾甚。隋文帝既不能譴責，內甚愧之。開皇六年，封后

為樂平公主。後又議奪其志。后誓不許。乃止。大業五年。從煬帝幸張掖。殂於河西。年四十九。煬帝還京。詔有司備禮祔葬。后於定陵。

宣帝朱皇后名滿。月吳人也。其家生事。沒入東宮。帝之為太子。后被選。掌帝衣服。帝年少。召而幸之。遂生靜帝。大象元年。立為天元帝。后尋改為天皇后。二年。又改為天太皇后。冊曰咨爾彌宣四德。訓範六宮。軒庭列序。堯門表慶。嘉稱既隆。盛典宜膺。爾其飾性履道。無愆禮正。永固休祉。可不慎歟。后本非良家子。又年長於帝十餘歲。殊賤。無寵。以靜帝故。特尊崇之。班亞楊皇后焉。宣帝崩。靜帝尊為帝太皇后。隋開皇元年。出俗為尼。名法淳。六年。殂。年四十。以足禮葬京城。

宣帝陳皇后名月儀。自云潁川人。天將軍山從第八女也。大象元年六月。以選入宮。拜為德妃。月餘。立為天左皇后。二年二月。改天左大皇后。冊曰咨爾儀範。柔剛。操履凝絜。淑問彰於遠近。今則冠於宮闈。是用申彼寵章。加茲徽號。爾其復禮問詩。披圖顧史。永隆嘉命。可不慎歟。三月。又詔曰正內之重。風化之基。嘉耦之制。代多殊典。軒轡繼軌。次妃並四。虞舜受命。厥娶猶三。禮非相襲。隨時不無。朕祇承寶圖。載弘徽號。自我改作。超作華光。古曰天元居極。五帝所以仰崇。王者稱尊。列后於焉上儼。且坤儀比德。土

數惟五。既得恒典。宜取斯儀。四太皇后外。可增置天中大皇后一人。天中大皇后。爰主策盛徽音。日躋肇建嘉名。宜膺顯冊。於是以后為天中大皇后。帝崩。后出家為尼。改名華光。后父山提。本高氏之隸。仕齊官至持進。開府東兗州刺史。謝陽王。高祖平齊。拜大將軍。封沂陽郡公。大象元年。以后父超授上柱國。進封鄆國公。除大宗伯。

宣帝元皇后名樂尚。河南洛陽人也。開府歲之第二女也。年十五被選入宮。拜為貴妃。大象元年七月立為天右皇后。二年二月改為天元太皇后。冊曰咨爾寶靈。姜水戴德。塗山慈淑。內融徽音。潛暢是用。加茲寵數。式光踐禮。爾其聿修儀範。肅膺顯冊。猗奉休命。可不慎歟。帝崩。后出俗為尼。改名華勝。初后與陳后同時被選入宮。俱拜為妃。及升后位。又同日受冊。帝寵遇二后。禮數均等。年齒復同。特相親愛。及為尼後。李末及尉遲后等。並相繼殞沒。而二后于今尚存。后父歲必以元氏宗室拜開府。大象元年七月以后父進位上柱國。封翼國公。

宣帝尉遲皇后名璫。繁蜀國公迥之孫女。有美色。初適杞國公亮于西陽公溫。以宗婦列入朝。帝逼而幸之。反亮謀逆。帝誅溫。進后入宮。拜為長貴妃。大象二年三月立為天左太皇后。冊曰咨爾門膺積善。躬表靈貺。徽音

茂德朕實嘉之。是用弘茲盛典。申彼寵章。爾其克慎厥猷。寅咨景命。永承
休烈。可不慎歟。帝崩。后出俗為尼。改名華首。隋開皇十五年。組年三十。
靜帝司馬皇后名今姬。柱國榮陽公消難之女。大象元年二月。宣帝傳位
於帝。七月。為帝納為皇后。冊曰。坤道成形。厚德於焉載物。陰精迭運。重光
所以麗天。在昔皇王。膺乾御曆。內政為助。昭被圖象。惟爾門積慶靈。家韜
休烈。徽音今範。無背一時。是用命爾作儷。皇極爾其克勗。婉心肅膺盛典。
追皇英之逸軌。庶任如之芳塵。樟程有光。榮盛無怠。雖休勿休。以隆嘉祚。
二年九月。隋文帝以后父擁眾奔陳。廢后為庶人。後嫁為隋司隸刺史李
丹妻。子今尚存。史臣曰。孔子稱夷狄之有君。不如諸夏之無也。是以周
納狄后。富辰謂之禍階。晉升戎女。卜人以為不吉。斯固非謬焉。自周氏受
命。逮乎高祖。年踰三紀。世歷四君。業非草昧之辰。事殊權宜之日。乃素同
即異。以夷亂華。捐婚姻之彝序。求豺狼之外利。既而報者倦矣。施者無厭。
向之所謂和親。未幾已成讎敵。奇正之道。有異於斯。于時高祖雖受制於
人。未親庶政。而謀士韞奇。直且鉗口。過矣哉。歷觀前載。以外戚而居宰輔
者多矣。申呂則曠代無聞。呂霍則與時俱盛。傾漢室者王族。喪周祚
者楊氏。何滅亡之禍。合符契焉。斯魏文所以發一鑒之詔也已。

後周宗室

周書宗室 邵惠公顯太祖之長兄也。德皇帝娶樂浪王女。是為德皇后。生顯。次杞。蘭公連。次苕。莊公洛

生。次太祖。顯性至孝。德皇后崩。哀毀過禮。鄉黨咸敬異焉。德皇帝與衛可孤戰于武川。南河。臨陣。陸馬。顯與數騎奔救。擊殺數十人。賊衆披靡。德皇帝乃得上馬引去。俄而賊追騎大至。顯遂戰歿。保定初。追贈太師。柱國大將軍。大冢案。大都督。恒朔等十州諸軍事。恒州刺史。封邵國公。邑萬戶。謚曰惠。顯三子。什肥。道護。護別有傳。什肥年十五而惠公歿。自傷早孤。事母以孝聞。永安中。太祖入關。什肥不能離母。遂留晉陽。及太祖定秦隴。什肥為齊神武所害。保定初。追贈大將軍。小冢案。大都督。冀定等州諸軍。冀州刺史。襲爵邵國公。謚曰景。子胄嗣。胄少而孤貧。頗有幹略。景公之見害也。以年幼下蠶室。保定初。詔以晉公護子會。紹景公封。天和中。與齊通好。胄始歸關中。授大將軍。開府儀同三司。襲爵邵公。尋除宗師中大夫。進位大將軍。出為原州刺史。轉榮州刺史。大象末。隋文帝輔政。胄舉州兵應尉遲迥。與清河公楊素戰。敗。逃走。追獲於石濟。遂斬之。國除。胄子乾仁幼好學。聰惠。魏恭帝二年。以護平江陵之功。賜爵江陵縣公。保定初。紹景公後。拜驃騎大將軍。開府儀同三司。二年。除蒲州潼關六防諸軍事。蒲州刺史。

曹圭自齊改封譚國公。尋進位柱國。建德初與護同伏誅。三年五月追贈復封舊爵。導字善慶。少雄豪。有仁惠。太祖愛之。初與諸父在葛榮軍中。榮敗。遷晉陽。及太祖隨賀拔岳入關。導從而西。常從征伐。太祖討侯莫陳悅。以導為都督鎮原州。及悅敗北。走出故塞。導率騎追之。至牽屯山。及悅斬之。傳首京師。以功封饒陽縣。增邑五百戶。拜冠軍將軍。加通直散騎常侍。魏文帝即位。以定策功。進爵為公。增邑五百戶。拜使持節散騎常侍。車騎大將軍。左光祿大夫。三年。太祖東征。導入宿衛。拜領軍將軍。大都督。齊神武渡河。侵馮翊。太祖自弘農引軍入關。導督左右禁旅。會於沙苑。與齊神武戰。大破之。進位儀同三司。明年。魏文帝東征。留導為華州刺史。及趙青雀于伏德。慕容思慶等作亂。導自華州率所部兵擊之。擒伏德。斬思慶。進屯渭橋。會太祖軍。事平。進爵章武郡公。增邑并前二千戶。尋加侍中。開府。驃騎大將軍。太子少保。高仲密以北豫州降。太祖率諸將輔魏皇太子東征。復以導為大都督。華東雍二州諸軍事。行華州刺史。導治兵訓卒。得定捍之方。及大軍不利。東魏軍追至稠桑。知關中有備乃退。會侯景舉河來附。遣使請援。朝議將應之。乃徵為隴右大都督。秦南等十五州諸軍事。秦州刺史。及齊氏稱帝。太祖發關中兵討之。魏文帝遣齊王廓鎮隴右。徵

導連朝拜大將軍大都督三雍二華等二十三州諸軍州事。元咸陽大軍還，乃徙舊鎮。導性寬明，善於撫御，凡所引接，人皆盡誠。臨事敬慎，常若弗及。太祖每出征討，導恒居守，深為吏民所附。朝廷亦以此重之。魏恭帝元年十二月薨於上邽，年四十四。魏帝遣侍中漁陽王純監護喪事，贈本官，加尚書令。秦州刺史謚曰孝朝，議以導撫和，西戎咸恩，顯著，欲舍世鎮隴右以彰厥德。乃葬於上邽城西無疆原，華戎會葬有萬餘人。莫祭於路，悲號滿野。皆曰：我君捨我乎？大小相率，負土成墳，高五十餘尺，周迴八十餘步。為官司所止。然後泣辭而去。其遺愛見思如此。天和五年，重贈太師柱國。龜圖公導五子：廣亮、纂、椿、東亮、椿並出後於杞。廣字乾歸，少方嚴，好文學。初封永昌郡公。孝閔帝踐阼，改封天水郡公。世宗即位，授驃騎大將軍，開府儀同三司，出為秦州刺史、武成，初進位大將軍，遷梁州總管，進封蔡國公，增邑萬戶。保定初入為小司寇，尋以本官鎮蒲州。并知潼關等六防諸軍事。二年，除秦州總管。十三年，諸軍事，秦州刺史，廣性明察，善綏撫，民庶畏而悅之。時晉公護諸子及廣弟杞國公亮等服玩侈靡，踰越制度，廣獨率由禮則。又折節待士，朝野以是稱焉。晉侍食於高祖，所食瓜美，持以奉進。高祖悅之。四年，進位柱國。廣以晉公護久擅威權，勸令挹損，護不能

納天和三年。除陝州總管。以病免。及孝公追封幽國公。紹廣襲爵。初。廣母李氏以廣惠彌年。憂而成疾。因此致沒。廣既居喪。更加綿篤。乃以發覺。世稱母為廣病。廣為母亡。惡孝之道。操於一門。高祖素服親臨。百僚畢集。其故史儀同李充信等上表曰。臣聞資孝成忠。生民高義。往德樹善。有國常規。竊惟故幽國公且廣懿親。今望其瞻攸在。道冠群后。功懋維城。受脤建旂。威行秦隴。班條驅傳。化溢峭函。比滕理件。和奉詔還。闕藥石所及。沉痾漸愈。而災蒙仍集。丁此窮憂。至性過人。遂增舊疾。因茲毀頽。以至薨殞。尋緝貫切。不能自己。臣等接事。每承餘論。仰之平昔。約已立身。位極上公。賦兼千乘。所獲祿秩。周贍無餘。器用服玩。取給而已。每言及終始。尤存簡素。非秦政而襲吳禮。識石得而美厚新。今卜兆有期。先速方及。誠恐一從朝露。此志莫伸。伏惟陛下。弘不世之慈。垂霽然之澤。留情既往。降慰幽魂。爰初有司。申其宿志。窆之禮。庶存儉約。詔曰。省充信等奏。但增哀悼。幽國公廣。藩屏令望。宗室表儀。言著身文。行成士則。方憑懿戚。用匡朝政。奄丁荼蓼。便致毀滅。替手歸全。無志雅操。言念既往。震于厥心。昔河閼才藻。追叙於中尉。東海謙約。見稱於身後。可斟酌前典。率由舊章。使易簀之言。得中遺志。然殯之請。無虧今終。於是贈本官。加太保。葬於隴西。所司一遵詔。

育。並存儉約。于洽嗣。太定中。隋文輔政。以宗室被害。國除。亮字乾德。武
成初。封永昌郡公。復襲烈公爵。除開府儀同三司。梁州總管。天和末。拜宗師。
中大夫。進位大將軍。攝國公亮。以亮為秦州總管。廣之所部。悉以配焉。亮
在州甚無政績。尋進位柱國。晉公護誅後。亮心不自安。唯縱酒而已。高祖
手勅讓之。建德中。高祖東伐。以亮為右第二軍總管。并州平。進位上柱國。
仍從平鄴。遷大司徒。宣帝即位。出為安州總管。大象初。詔以亮為行軍總
管。與元帥鄒國公章孝寬等伐陳。亮自安陸道攻拔黃城。輒破江側民村。
掠其主口。以賜士卒。軍還至豫州。亮密謂長史杜士峻曰。主上淫縱滋甚。
社稷將危。吾既忝宗枝。不忍坐見傾覆。今若聚取鄒國公。而并其衆。推諸
父為主。鼓行而前。誰敢不從。遂夜將數百騎襲孝寬營。會亮國官茹寬知
其謀。先以馳告孝寬。乃設備。亮不克遁。走孝寬追斬之。子明生亮誅。詔以
亮弟椿為烈公後。翼字乾宜。武成初。封西陽郡公。早薨。諡曰昭。無子。以
杞國公亮子溫為嗣。後生亮反。誅國除。椿字乾壽。初封永昌郡公。保定
中。授開府儀同三司。宗師中大夫。建德初。加大將軍。尋除岐州刺史。四年。
關中民飢。椿表陳其狀。璽書勞慰。因令所在開倉賑卹。四年。高祖東伐。椿
與齊王憲攻拔武濟等五城。五年。高祖出晉州。椿率衆屯樓難原。宣帝即

位拜大司寇。亮誅後詔令紹烈公封。尋進位上柱國。轉大司徒。大定初。為隋文帝所害。并其五子。西陽公。道宗。本仁。隣。武子。禮獻。衆。宇。乾道。保定初。封天水郡公。少而不惠。語默不常。人莫能測。隋文帝踐極初。欲封為介公。復復誅之。并二子仲和。孰倫。

杞蘭公。連。幼而謹厚。臨敵果毅。隨德皇帝。逼定州軍。於唐河。遂俱殲。保定初。追贈使持節。太傅。柱國。大將軍。大司徒。大都督。定。冀。等十州諸軍事。定州刺史。封杞國公。邑五千戶。謚曰蘭。子先寶。為齊神武所害。保定初。追贈大將軍。小司徒。大都督。幽。燕。等六州諸軍事。幽州刺史。襲爵杞國公。謚曰烈。以章武公導子亮嗣。

莒莊公。洛生。少任俠。尚武藝。及壯。有大度。好施愛士。北州賢俊。皆與之遊。而才能多出其下。及葛榮破鮮于脩禮。乃以洛生為漁陽王。仍領德皇帝餘衆。時人皆呼為洛王。王洛生善將士。帳下多驍勇。至於攻戰。莫有當其鋒者。是以克復常冠諸軍。爾朱榮定山東。收諸豪傑。遷於晉陽。洛生時在虜中。榮雅聞其名。心憚之。尋為榮所害。保定初。追贈使持節。太保。柱國。大將軍。大冢宰。大宗伯。大都督。并肆等十州諸軍事。并州刺史。封莒國公。邑五千戶。謚曰莊。子菩提。為齊神武所害。保定初。追贈大將軍。小宗伯。大

都督肆恒等六州諸軍事肆州刺史襲爵莒國公。諡曰穆。以晉公護子至
為嗣。至字乾附。初封崇業公。後襲穆公爵。建德初。父護諱。詔以衛王直
子賓為穆公後。三年。追復至爵。賓字乾瑞。尋坐直諱。建德六年。更以齊
王憲子廣都公真襲爵。真字乾預。宣帝初。被誅。國除。虞國公仲德。皇帝從
父兄也。卒子代。保定初。追贈使持節。太傅柱國大將軍大司徒大都督燕平
等十州諸軍事燕州刺史。封虞國公。邑三千戶。子興嗣。興生兵亂。與仲
相失。年又冲幼。莫知其戚屬。遠近。與太祖兄弟初不相識。齊神武寇沙苑。
興預在行間。軍敗被虜。隨例散配諸軍。興往弘農。有志度。雖流離世故。而
風範可觀。魏恭帝二年。舉賢良。除本郡丞。徙長隰縣令。保定二年。詔仲子
興始附屬籍。高祖以興宗戚近屬。尊禮之甚厚。拜使持節驃騎大將軍。開
府儀同三司。都督封大軍郡公。尋除宗師中大夫。四年。出為涇州刺史。五
年。又徵拜宗師。加大將軍襲爵虞國公。天和二年。薨。高祖親臨。慟焉。詔大
司空中國公李穆監護喪事。贈使持節柱國大將軍大都督。恒。幽等六州
諸軍事。恒州刺史。諡曰靖。子洛嗣。洛字水洛。九歲命為虞國公世子。天
和四年。詔襲興爵。建德初。拜使持節車騎大將軍。儀同三司。及靖帝崩。隋
文帝以洛為介國公。為隋室賓云。史臣曰。自古受命之君。及守文之主。

非獨異姓之輔也。亦有骨肉之助焉。其茂親有魯衛梁楚。其疎屬有凡蔣荆燕。咸能飛聲騰實。不泯於百代之後。至若幽孝公之勲烈而加之以善政。蔡文公之純孝而飾之以儉約。我我馬足以輜輳於前載矣。當隋氏之起。乘天威而服海內。將相王侯莫不懸肝膽以効款。援符命以頌德。曾以葭莩之親。據一州而叶義舉。可謂忠而能勇。功業不遂。悲夫。是實庸才。圖非常於巨逆。古人稱不度德。不量力。者。其斯之謂歟。

晉蕩公護之羅協

馮遵

晉蕩公護字薩保。太祖之兄邵惠公顯之少

子也。幼方正。有志度。持為德皇帝所愛。異於諸兄。年十一。惠公薨。隨諸父

在葛榮軍中。榮敗。還晉陽。太祖之入關也。護以年小不從。普泰初。自晉陽

至平涼。時年十七。太祖諸子並幼。遂委護以家務。內外不嚴而肅。太祖嘗

歎曰。此兒志度類我。及出臨夏州。留護事賀拔岳。岳之被害。太祖至平涼

以護為都督。從征侯莫陳悅。破之後。以迎魏帝功。封水泚縣伯。邑五百戶。

大統初。加通直散騎常侍。征虜將軍。以預定樂勲。進爵為公。增邑通前一

十戶。從太祖擒竇泰。復弘農。破沙苑。戰河橋。並有功。遷鎮東將軍。大都督。

八年。進車騎大將軍。儀同三司。邛山之役。護率眾先鋒。為敵人所圍。都督

侯伏侯龍恩挺身扞禦。方得免。是時趙貴等軍亦退。太祖遂班師。護坐免。

官尋復本位。十二年。加驃騎大將軍。開府儀同三司。進封中山公。增邑四百戶。十五年。出鎮河東。遣大將軍與于謹征江陵。護率輕騎為先鋒。晝夜兼行。乃遣裨將攻梁臨邊城鎮。並拔之。并擒其候騎。進兵徑至江陵城下。城中不意兵至。惶窘失圖。護又遣騎二千斷江津收舟楫。以待大軍之至。圍而克之。以功封子會為江陵公。初。襄陽蠻帥向天保等萬有餘落。恃險作梗。及師還。護率軍討平之。初行六官。拜小司空。太祖西巡至率也山。遇疾。馳驛召護。護至涇州。見太祖。而太祖疾已綿篤。謂護曰。吾形容若此。必是不濟。諸子幼小。寇賊未寧。天下之事。屬之於汝。宜勉力以成吾志。護涕泣奉命。行至雲陽。而太祖崩。護秘之。至長安。乃發喪。時嗣子沖弱。護冠在近。人情不安。護網紀內外。撫循文武。於是衆心乃定。先是太祖常云。我得胡力。當時莫曉其旨。至是人以護字當之。尋拜柱國。太祖山陵畢。護以天命有歸。遣人諷魏帝遂行禪代之事。孝閔帝踐祚。拜大司馬。封晉國公。邑一萬戶。趙貴。獨孤。信等謀襲護。護因貴入朝。遂執之。黨與皆伏誅。拜大象宰。時司會李植。軍司馬孫恒等。在太祖之朝。久居權要。見護執政。恐不見容。乃密要宮伯乙弗鳳。張光洛。駕拔提元進等。為腹心。說帝曰。護誅趙貴以來。威權日盛。謀臣宿將。爭往附之。大小政事。皆決於護。以臣觀之。將不